


BOXEOA



Mike Tyson.

Tyson eta Ruddock errebantxa gogoz ostiral honetan

LAS VEGAS

Mike Tyson estatubatuarra eta Donovan 'Razor' Ruddock kanadiarra ostiralean 12 asaltoko borrokaldea jokatu dute Las Vegasen. Errebantxa kutsua izango du norgehiagokak, aurreko neurketan Richard Steele epaileak borrokaldea eten egin bait zuen, eta Tyson munduko txapeldun ohia garailea zela erabaki.

Hilaren 28an jokatu den borrokaldirako Mills Lane epailea izendatu dute, eta munduko txapeldunaren titulua jokoa egon ez arren, interes handia sortu du bi iparramerikarren arteko norgehiagokak. Iragan martxoan, epaileak zazpigarren asaltoan bien arteko borrokaldea eten egin zuen, Tyson kanadiarra gogor jipoitzen ari zen unean. Ruddock jarraitzeko moduan zen ordea, berak adierazi izan duenez, eta Mike Tysonen garaipena eztabaidagarria ikusi zuen zaletu zein adituek.

Canadiarra 'Iron Mike' beldur-garriaren kontra indarrak neurtzeko aukera berria izango du ostiralean. Sasoi betean dagoela esan berria du, eta aurreko borrokaldean egindako akatsak ez dituela errepikatuko gaineratu zuen. «Eskuina erabiliko dut, baina ezkerrez kolpatuko dut gogorren. Aurreko saiorko gehiegi prestatu nintzen, baina orain ez dut hartako hutsik egingo».

Evander Holyfield munduko txapeldunaren kontra jokatu behar duen borrokaldirako proba ona izan daiteke ostiralekoa Mike Tysonentzat. Berriz ere pisu astunetako txapeldunaren gerrikoa janzteko aukera ikusten du orain gutxi garaitezina igartzen zen boxeolariak. Lanak izango ditu ordea, Hollyfieldek borrokalari fina dela erakutsi bait du.

Aintzinako txapeldun askok gogor kritikatu izan dute Mike Tyson, klaserik gabeko txapelduna dela salatuz. Pisu astunetako errege bihurtu zen, aurrean jartzen zitzaion guztia gogor jipoitu eta lurrera seko bota ondoren, baina teknikoki ezer gutxi erakutsiz. Holyfield aldiz elegantziaren eredu bihurtu da, ugaritzen ari diren kolpatzaile hutsen ondoan. Tyson baino boxeolari hobe dela erakutsi du, baina hura edonor menderatzeko gai da, indarra soberan bait du.

TXIRRINDULARITZA

Rocheren sasoi ustelak Tourretik kanpora utz dezake Tonton Tapis

Belgiarrek huts eginez gero SEUREk beteko luke Lyonen hauen lekua

Tonton Tapiseko Stephen Roche eta Roger de Vlaeminck zuzendariaren arteko gatazka konponezinak, eta txirrindulariak erakutsi duen sasoialdi kaskarrak, Tourretik kanpora utz dezakete Belgikako taldea. Atzo bertan Valles Mineros karreraren parte hartzeari uko egin zion irlandarrak, osasun agiriak baliatuz.

X.M. / DONOSTIA

Stephen Roche eta Tonton Tapis talde belgikarra Tourretik kanpora geratzeko arriskuan dira, irlandararen sasoi txarra dela medio. Gainera Roger de Vlaeminck zuzendariarekin konponezinezko gatazka bizi du 1987ko Tourra irabazi zuen korredoreak, eta oraindik zurrumurruak besterik ez diren arren, Lyoneko irteeran izateko aukera handirik ez du Stephen Roche.

Dauphine Libéré eta Midi Libre probetan ere erretiratu beharrean aurkitu zen Roche, Valles Minerosen korritzeari uko egin aurretik. Horren sasoi kaskarra ikusita, Tourreko antolatzaileak Tonton Tapis taldeari gonbidapena ukatzeko moduan dira. Frantziako Itzuliko arautegiaren arabera, korredore onenek ez badute korritzen, 'wild card-a' jaso duen taldeari gonbidapena ukatzeko aukera dute antolatzaileek. Eta hauek ez lukete onartuko Roche sasoi ustelean parte hartzerik.

Honenbestez, eta zurrumurruak zurrumurru, SEUR taldeak uztailaren 6an Lyoneko irteeran izateko aukera handiak ditu; Maximino Perez zuzendariaren taldea bait da ordezkoen zerrendan aurrenekoa. Esker onez hartuko lukete Frantziako zaleak Ronan Pensec Tourrean, iaz egindako lan bikainaren ondotik. Badaezpada, SEUR taldeko korredoreek gonbidapena jasoz gero prestatutako entrenamendu plangintzari jarraituko diote, hilaren 30ean Espainiako Txapelketak jokatu artean.

Profesionalek Joko Olinpikoetan korritzeko aukera izango dute

GENEVE

Txirrindulari profesionalek Joko Olinpikoetan korritzeko aukera izango dute Nazioarteko Txirrindularien Elkartea (UCI) hartutako erabakiaren arabera. Orain arte txirrindulari profesional eta amateurren federazioek bakoitzak bere aldetik egin dute lan, baina aurrean zuten elkarlanean arituko dira.

FIAC eta FICPren arteko elkarretaren ondorio nagusia Joko Olinpikoei dagokiona da. Beste kirol askotan gertatzen den legez, txirrindula-



Stephen Roche arazo ugari ditu Tonton Tapis taldeko zuzendariarekin. C. V.

bederen. Kontuak ez dira ordea hain garbi. SEUR taldearen aukerak indarra hartzen duen aldi berean, Tulip taldeak ere Lyoneko irteeran izango dela iragarri bait du.

Dirudienek, antolatzaileek gonbidapena ziurtatuko zutela atzdiezi eman omen zieten belgikarrei,

FICPko sailkapenean hogeitabi lehenen artean amaituz gero. Eta Tourreko gonbidapenak erabakitzeko atzerago baziren, akatsa izan zen horren erruduna, berez 20. postuan bait zegoen Tulip taldea. Ikus-teke dago gatazkak ze konponbide izango duen.



Txintxonera onartzen da. C. VILLAGRAN

MOTOAK



Herri Torrontegi.

Torrontegik ez du oraindik nazioarteko federazioaren baimenik

ASSEN

Herri Torrontegi bizkaitarra Assenen dago jadanik, baina oraindik ez daki datorren igandean jokatu den Holandako Sari Nagusian korritu ahal izango duen. Gorlizekoak 125 z.k.ko karreratan korritu du orain arteko txapelketetan, baina orain 250 z.k. ra pasatzeko proposamena jaso du.

Tecno Racing taldeko Aprilia motoa libre dago. Orain arte Jaime Marianok erabili du moto hau, baina orain Jorge Martinez Asparrek «libre» utzi zuen JJ Cobas-Honda pilotatuko du gazte honek. Tecno Racing taldeak Torrontegirengan pentsatu du Aprilia motoa pilotatzeko, nahiz eta bizkaitarra 125 z.k. tan ibili.

Arao nagusia ordea Nazioarteko Motoziklismoa Federazioaren (FIM) araudia da. Araudi honen arabera kategoria batetik besterako aldaketak maiatzaren 30a baino lehen egin behar ziren. Torrontegik geroago egin zuen eskakizuna, baina Holandako zirkuituan korritzeko baimena emango diotela uste du.

Hala ere, Herri Torrontegi ez da boxesetan geratuko. Aurreko sari nagusietan erabili duen 125 z.k. ko JJ Cobas-Honda motoa eraman du, eta ez baldin badiote aldaketa onartzen zilindrada honetan korrituko du. Torrontegiren egoera ekonomikoa oso larria da. Europako Sari Nagusian egin zuen zazpigarren postuaren ondoren baikor agertzen da, eta aurki beste babesleren bat agertuko zaiola espero du.

UEDA JJ COBAS TALDEAREKIN Noburu Ueda pilotu japoniarrak JJ Cobas-Honda motoa probatu zuen lehengo astean Calafateko zirkuituan. Orain arteko txapelketetan gidaritza ausartena erakutsi duen pilotuak «chasis» berria jarri nahi dio Honda motor indartsuari.

Aurtengo denboraldian hiru sari nagusia irabazi ditu japoniarrak, Japon, Australia eta Europa), baina oraindik gehiago emateko moduan dagoela uste du. Aste honetan bertan Uedak berriz erabiliko du JJ Cobas motoa Paul Ricardeko zirkuituan.